

VENDIM
Nr.857, date 19.12.2003

**PER MIRATIMIN E RREGULLORES SE FUNKSIONIMIT TE ZYRES SE
ADMINISTRIMIT DHE KOORDINIMIT TE PARKUT KOMBETAR TE
BUTRINTIT**

Ne mbështetje te pikës 2 te nenit 100 te Kushtetutës dhe te pikës 2 te nenit 29 te ligjit nr.9048, date 7.4.2003 "Për trashëgiminë kulturore", me propozimin e Ministrit te Kulturës, Rinise dhe Sporteve, Këshilli i Ministrave

VENDOSI:

Miratimin e rregullores se funksionimit te Zyrës se Administrimit dhe Koordinimit te Parkut Kombëtar te Butrintit, e cila i bashkëlidhet këtij vendimi.

Ky vendim hyn ne fuqi pas botimit ne Fletoren Zyrtare.

KRYEMINISTRI
Fatos Nano

**RREGULLORE E FUNKSIONIMIT TE ZYRES SE ADMINISTRIMIT DHE
KOORDINIMIT TE PARKUT KOMBETAR BUTRINT**

KAPITULLI I
DISPOZITA TE PERGJITHSHME

Pika 1

Kjo rregullore hartohet bazuar ne:

- a) Ligjin nr.9048, date 7.4.2003 "Për trashëgiminë kulturore"
- b) Ligjin nr.8906, date 6.6.2002 "Për zonat e mbrojtura"
- c) Ligjin nr.8934, date 5.9.2002 " Për mbrojtjen e mjedisit"
- d) Ligjin nr.7908, date 5.4.1995, ndryshuar me ligjin nr.8763, date 2.4.2001, ndryshuar me ligjin nr.8870, date 21.30.2002 "Për peshkimin dhe akuakulturen"
- e) Vendimin e Këshillit te Ministrave nr.450, date 1.7.1998 i ndryshuar me vendimin e Këshillit te Ministrave nr.176, date 3.5.2002 "Për administrimin e qytetit antik te Butrintit"
- f) Vendimin e Këshillit te Ministrave nr.82, date 2.3.2000 "Për shpalljen park kombëtar ne mbrojtje te shtetit te zonës arkeologjike te Butrintit"
- g) Vendimin e Këshillit te Ministrave nr.266, date 24.4.2003 "Për administratën e zonave te mbrojtura "
- h) Vendimin e Këshillit te Ministrave nr.531, date 31.10.2002 " Për shpalljen e kompleksit ligatinor te Butrintit dhe te territorit përreth tij zone natyrore, veçanërisht e mbrojtur dhe përfshirjen e tij ne listën e ligatinave me rendësi ndërkombëtare, veçanërisht si habitate te shpendëve ujore"

Pika 2

Ne këtë rregullore ZAKB do te thotë Zyra e Administrimit dhe e Koordinimit Butrint. PKB do te thotë Parku Kombëtar Butrint.

Pika 3

Me vendim te Këshillit te Ministrave nr.82, date 2.3.2000, shpallet park kombëtar ne mbrojtje te shtetit zona arkeologjike e Butrintit dhe për administrimin e këtij parku kombëtar ngarkohet Zyra e Administrimit dhe Koordinimit, njësi nen juridiksionin e MKRS-se.

Pika 4

Për aktet normative qe do te zbatohen nga ZAKB-ja ushtron veprimtarinë e tij Bordi i Butrintit, i cili shqyrton dhe miraton strategjinë dhe politikat për zhvillimin, mirëmbajtjen, koordinimin, menaxhimin dhe promovimin e vlerave te Parkut Kombëtar te Butrintit. Për zbatimin e veprimtarisë se tij, Bordi mbështetet ne rregulloren e tij te miratuar nga Ministri i Kulturës, Rinise dhe Sporteve.

ZAKB-ja, ne bashkëpunim me Drejtorinë e Përgjithshme te Pyjeve dhe te Kullotave dhe Drejtorinë e Peshkimit, realizon planin e menaxhimit te zonës, ne përputhje me ligjin nr.8960, date 6.6.2002 "Për zonat e mbrojtura".

Pika 5

ZAKB-ja është person juridik publik qe nuk ndjek qëllime ekonomike. Ai e ka selinë ne Sarande me adrese "Ish-Muzeu Etnografik".

ZAKB-ja ka vulën dhe logon e saj, pamja dhe elementet e se cilës janë sipas shtojcës nr.1, pjese e kësaj rregulloreje.

Pika 6

ZAKB-ja mbështet, nxit, koordinon dhe mbikëqyr kërkimet shkencore, ne bashkëpunim me institucione shtetërore ose private, kombëtare dhe ndërkombëtare për promovimin, ruajtjen, pasurimin dhe ekspozimin e trashëgimisë kulturore, për menaxhimin dhe ruajtjen e mjedisit ne Parkun Kombëtar te Butrintit. ZAKB-ja publikon informacion për vlerat e Parkut Kombëtar te Butrintit, duke përdorur botime shkencore, guida, kartolina, periodike dhe materiale te tjera publicitare.

KAPITULLI II

SHTRIRJA GJEOGRAFIKE E PARKUT, PERCAKTIMI I ZONES SE ADMINISTRUAR NGA ZAKB-JA

Pika 7

Parku Kombëtar i Butrinti është shpallur zone e veçante, e mbrojtur për trashëgiminë kulturore dhe vlerat e ekosistemit.

Ai mbulon një sipërfaqe prej 25 kilometra katrore.

Zona përfshin sipërfaqe tokësore dhe ujore, ne te cilat ekzistojnë tipare fiziko-gjeografike, specie te florës dhe te faunës, te rëndësisë biogjeografike, ekologjike, ekonomike, hidrologjike, estetike, si edhe qendra te trashëgimisë kulturore, monumente, muze, objekte, te gjitha këto me rendësi kombëtare dhe ndërkombëtare.

Kufijtë e zonës se administruar janë:

- a) ne veri, fshati Ksamil;
- b) ne lindje, rruga ekzistuese ne drejtim te Konispolit;
- c) ne jug, lumi Pavia, duke anashkaluar Vrinen, drejt fushës dhe duke u futur brenda zonës

tek liqeni i Bufit;

d) ne përfundim me gjirin e Butrintit, aty ku kanali i Vivarit derdhet ne det.

Zone e administruar nga ZAKB-ja do te thotë territori i përcaktuar ne hartën ne shtojcën 2, pjese e kësaj rregulloreje.

KAPITULLI III

STRUKTURA ORGANIZATIVE E ZAKB-SE

Pika 8

Struktura organizative e ZAKB-se është ajo e përcaktuar ne vendimin e Këshillit te Ministrave nr. 450, date 1.7.1998 "Për administrimin e qytetit antik te Butrintit".

- Drejtori
- Specialisti i arkeologjisë
- Specialisti i monumenteve te kulturës
- Specialisti i mjedisit
- Specialisti i turizmit

Pika 9

Detyrat dhe përgjegjësitë e drejtorit

Drejton dhe koordinon punën administrative, menaxhuese dhe veprimtarinë ekonomike te ZAKB-se, si dhe përfaqëson institucionin ne marrëdhënie me te tretet.

Mban kontakte dhe marrëdhënie me institucione shtetërore dhe private, me persona juridike dhe fizike, me organizma kombëtare dhe ndërkombëtare.

Koordinon dhe harton plane zhvillimi, te detajuara ne përputhje me natyrën dhe masën e zhvillimit te përcaktuara nga plani i menaxhimit.

Drejton studimin e efekteve mjedisore te çdo ndërtimi ose zhvillimi te propozuar brenda territorit, mbështetur ne ligjin nr.8990, date 23.1.2003 "Për vlerësimin e ndikimit ne mjedis", rregullores se ZAK-se, Parku Kombëtar Butrint dhe planit te menaxhimit.

Vlerëson dhe përdor faktorë stimulues financiare, si grandet, huate, kontratat ose marrëveshjet e menaxhimit për te nxitur zhvillimin dhe menaxhimin me efektivitet te territorit te Parkut Kombëtar te Butrintit.

Bashkëpunon me drejtorinë e peshkimit për probleme te peshkimit ne territorin e administruar, mbështetur ne ligjin nr.7908, date 5.4.1995, me ndryshimet përkatëse, ne ligjin nr. 8870, date 21.30.2002 "Për peshkimin dhe akuakulturen" dhe kriteret e përcaktuara ne planin e menaxhimit.

Lidh marrëveshje menaxhimi, bazuar ne ligjin nr. 7908, date 5.4.1995 me ndryshimet përkatëse, ne ligjin nr.8870, date 21.3.2002 "Për peshkimin dhe akuakulturen", me persona fizike ose juridike për te ushtruar peshkimin ne territorin e Parkut Kombëtar te Butrintit.

Bashkëpunon me drejtorinë e peshkimit për te ndaluar ose kufizuar peshkimin sportiv sipas zonës, stinës dhe metodës se kapjes, mbështetur ne ligjin nr.7908, date 5.4.1995, ne ligjin nr.8870, date 21.30.2002 "Për peshkimin dhe akuakulturen" dhe kritereteve te planit te menaxhimit.

Ndalon gjuetinë ne te gjithë territorin e Parkut Kombëtar te Butrintit, bazuar ne nenin 6 te ligjit nr.8906, date 6.6.2002 "Për vlerësimin e ndikimit ne mjedis".

Përcakton numrin, vendin, llojin dhe veprimtaritë turistike ne territorin e Parkut Kombëtar te Butrintit sipas planit te menaxhimit, duke koordinuar me Ministrinë e Kulturës, Rinise dhe Sporteve dhe Ministrinë e Turizmit, mbi bazën e strategjisë se zhvillimit te turizmit ose planeve te zhvillimit turistik te rajonit te Sarandës.

Bazuar ne ligjin nr.9048, date 7.4.2003 "Për trashëgiminë kulturore", ndalon ndërtimin e ndërtesave ne territorin e Parkut Kombëtar te Butrintit.

Aprovon restaurimin e ndërtesave ekzistuese ne park, pas projektit te miratuar për këtë qellim, për ruajtjen e karakterit te veçante te territorit, për te parandaluar veprime qe bien ndesh me qëllimin e krijimit te Parkut Kombëtar te Butrintit. Rikonstruksioni i godinave ekzistuese duhet te realizohet ne përputhje me konceptin e planit te menaxhimit, duke respektuar traditën e zonës.

Miraton vendqëndrime te përshtatshme, sipas kriterëve te planit te menaxhimit për automjetet qe hyjnë ne territorin e Parkut Kombëtar te Butrintit.

Mban lidhje te vazhdueshme dhe informon strukturat e pushtetit qendror dhe vendor, për zhvillime te karaktereve te ndryshme qe kryhen jashtë territorit te Parkut Kombëtar te Butrintit, por qe mund te kenë impakte ne park.

Pika 10

Detyrat dhe përgjegjësitë e arkeologut te ZAKB-se

Përpilon evidencat arkeologjike ne territorin e Parkut Kombëtar te Butrintit për monitorimin dhe mbrojtjen e pasurive arkeologjike ne territor.

Nuk lejon asnjë gërmim arkeologjik pa pasur miratimin e Bordit te Butrintit mbi projektin e paraqitur dhe qe është ne kundërshtim me ligjin nr.9048, date 7.4.2003 "Për trashëgiminë kulturore" .

Nuk lejon gërmime arkeologjike pa praninë e specialistëve shqiptare dhe përfaqësuesit e ZAKB-se.

Rregullon dhe organizon transportin e objekteve arkeologjike, duke penguar zhvendosjen ilegale te tyre.

Arkeologu ne ZAKB është përgjegjës për hartimin e programit vjetor ne bashkëpunim me Institutin e Arkeologjisë ne baze te objektivave dhe politikave te zhvillimit, te miratuara nga Bordi i Butrintit.

Ndjek punimet e mirëmbajtjes dhe punime te tjera ne park, me qellim ruajtjen e vlerave arkeologjike.

Zbaton praktikat me te mira arkeologjike, duke përdorur teknikat dhe studimet akademike bashkëkohore.

Kryen kërkime arkeologjike sipas planit shkencor njëvjeçar, te miratuar nga Bordi i Butrintit.

Ndihmon ne hartimin e programit edukativ, duke synuar shndërrimin e parkut ne një qendër kulturore, edukimi.

Organizon programe për studente për qëllime arkeologjike.

Siguron marrjen e masave qe objektet arkeologjike te zbuluara te ekspozohen ose te mbulohen për ruajtje sipas metodave bashkëkohore.

Përpilon materiale për arkivin ne lidhje me zbulimet arkeologjike.

Përfaqëson ZAKB-ne ne ekspeditat e përbashkëta arkeologjike ne territorin e parkut. Parashikon, ne bashkëpunim me specialistin e Institutit te Monumenteve te Kulturës, fondet qe duhen për ruajtjen e rrënojave qe dalin gjate gërmimeve arkeologjike.

Punon për njohjen ne tërësi te vlerave arkeologjike te parkut ne mediet e shkruara dhe elektronike.

Pika 11

Detyrat dhe përgjegjësitë e specialistit të monumenteve

Specialisti i monumenteve në ZAKB është përgjegjës për hartimin e programit vjetor në park, në bashkëpunim me Institutin e Monumenteve të Kulturës, sipas politikave dhe objektivave të zhvillimit, të miratuara nga Bordi i Butrintit.

Zbaton një program vjetor të hartuar në bashkëpunim me Institutin e Monumenteve të Kulturës dhe të miratuar në Bordin e Butrintit.

Dokumenton monumentet përpara fillimit të çdo procesi restaurimi.

Respekton rregullat e restaurimit të miratuara nga Këshilli Kombëtar i Restaurimeve.

Harton një program vjetor që synon ruajtjen e monumenteve në gjendjen ekzistuese, si dhe hapat që duhen marrë për të parandaluar dëmtimet.

Vrojton kushtet fizike të monumenteve dhe i raporton drejtorit të ZAKB-se dhe Institutit të Monumenteve të Kulturës.

Përfaqëson ZAKB-në në projektet restauruese në territorin e parkut dhe merr pjesë në ekspeditat arkeologjike në këtë territor.

Monitoron gjërmimet e kryera rreth monumenteve, duke informuar ZAKB-në mbi ecurinë dhe gjendjen e gjërmimeve dhe impaktin e tyre në monumente.

Ndalon gjërmimet dhe restaurimet në monumente, kur këto gjërmime dhe restaurime dëmtojnë strukturën e monumenteve dhe bien ndesh me ligjin nr.9048, datë 7.4.2003 "Për trashëgiminë kulturore".

Ndalon gjërmimet dhe restaurimet në territorin e Parkut Kombëtar të Butrintit, kur këto dëmtojnë mjedisin.

Menaxhon dhe kontribuon në rritjen cilësore të Muzeut të Butrintit, duke e kthyer atë në një qendër të rëndësishme edukimi në park.

Pika 12

Detyrat dhe përgjegjësitë e specialistit të mjedisit

Monitoron dhe merr masat e nevojshme për mbrojtjen dhe ruajtjen e karakterit funksional të territorit.

Ben sugjerime për zgjerimin e zonës së mbrojtur të administruar nga zyra.

Monitoron habitatet, duke përdorur të gjitha mënyrat, sipas sezonit dhe në çdo kohë.

Merr masa mbrojtëse kundër zjarrit, sipas nevojave dhe zonave të përcaktuara në hartë.

Ndihmon dhe bashkëpunon me organizatat joqeveritare, që punojnë për ruajtjen e territorit dhe burimeve të tij natyrore.

Ndërhyn për të ndaluar dëmtimet që mund të shkaktohen në mjedisin e Parkut Kombëtar të Butrintit.

Nis dhe zbaton projekte që përmirësojnë kushtet mjedisore dhe habitatet në territorin e Parkut Kombëtar të Butrintit.

Specialisti i mjedisit është përgjegjës për hartimin e programit vjetor në park, në bashkëpunim me Ministrinë e Mjedisit, sipas objektivave dhe politikave të miratuara nga Bordi I Butrintit.

Kontrollon zbatimin e kuadrit ligjor për mbrojtjen e mjedisit në park.

Merr pjesë në përgatitjen e projekteve dhe veprimtarive në fushën e mjedisit dhe ndjek zbatimin e tyre.

Informon drejtorin e ZAKB-se, Bordin e Butrintit dhe Ministrinë e Mjedisit mbi shkeljet e ligjit dhe parregullsitë në territorin e parkut.

Identifikon masat që duhen të merren për miradministrimin e burimeve natyrore, florës, faunës, pyjeve dhe specieve të rrezikuara.

Bashkëpunon me inspektorët e mjedisit të Agjencisë Rajonale të Mjedisit në Sarandë për mbrojtjen e mjedisit në Parkun Kombëtar.

Bashkëpunon me strukturat e pushtetit vendor për miradministrimin e pyjeve dhe peshkimit. Informon drejtorin e ZAKB-se mbi impaktet që kanë në mjedis projektet e propozuara për zbatim në park.

Bashkëpunon me organet e pushtetit qendror, si edhe me organe të pushtetit vendor për instalimin e sistemeve të ujërave të zeza apo hedhjes së mbeturinave për fshatrat brenda territorit ose në kufi me të.

Vlerëson gjendjen e resurseve natyrore në territor, nivelin për përdorimin e tyre maksimal, si edhe mundësinë e ripërtëritjes së ekosistemit, bazuar në ligjin nr.8934, datë 5.9.2002 "Për mbrojtjen e mjedisit", si edhe ligjit nr.9048, datë 7.4.2003 "Për trashëgiminë kulturore".

Vlerëson aktivitetet social-kulturore dhe ekonomike, të parashikuara për t'u zhvilluar brenda territorit, të cilat mund të kenë ndikim në mjedis dhe informon drejtorin e zyrës.

Pika 13

Detyrat dhe përgjegjësitë e specialistit të turizmit

Specialisti i turizmit është përgjegjës për hartimin e programit vjetor në park, në bashkëpunim me Ministrinë e Turizmit, sipas objektivave dhe politikave të miratuara nga Bordi i Butrintit.

Detyrat dhe përgjegjësitë e tij janë:

- Kontrollon zbatimin e kuadrit ligjor për zhvillimin e turizmit në park.
- Merr pjesë në përgatitjen e projekteve dhe veprimtarive turistike dhe ndjek zbatimin e tyre.
- Harton informacione dhe statistika mbi numrin e vizitorëve në park dhe të dhëna të tjera të fushës dhe ia paraqet ato drejtorit të ZAKB-se.
- Propozon masat që duhet të merren për miradministrimin dhe miremenaxhimin e resurseve turistike të Parkut Kombëtar të Butrintit.
- Bashkëpunon me struktura të pushtetit vendor, me agjenci turistike, struktura hoteliere për rritjen e numrit të vizitorëve në park.

Pika 14

Përfaqësuesi i Bashkisë së Sarandës pranë kësaj zyre koordinon dhe mban lidhje ndërmjet ZAKB-se dhe pushtetit vendor Sarandë për probleme të ndryshme, që kanë të bëjnë me menaxhimin e veprimtarive në park.

KAPITULLI IV

ORGANIZIMI FINANCIAR

Pika 15

ZAKB-se është person juridik publik. Shpenzimet e ZAKB-se përballohen nga MKRS-ja dhe të ardhurat e PKB-se.

Institucionet përfaqësuese të Bordit të Butrintit kontribuojnë financiarisht për zbatimin e projekteve në park.

ZAKB-ja mund të marrë donacione dhe sponsorizime të ndryshme edhe nga institucione ose organizata të ligjshme, shtetërore ose joshtetërore, kombëtare ose ndërkombëtare.

Specialistët dhe punëtorët shtese paguhen nga të ardhurat e ZAKB-se, sipas rregullave në fuqi.

Pika 16

ZAKB-ja paraqet për miratim ne MKRS çdo 30 qershor, planin e veprimtarive dhe te investimeve për vitin e ardhshëm, te shoqëruar nga preventivat përkatëse dhe te miratuar me pare nga Bordi i Butrintit.

KAPITULLI V

RREGULLAT PER ORGANIZIMIN E VEPRIMTARIVE KULTURORE-ARTISTIKE DHE VEPRIMTARITE E NDALUARA NE TERRITOR

Pika 17

Koncertet dhe veprimtaritë kulturore-artistike ne territorin e Parkut Kombëtar te Butrintit bëhen me aprovimin e drejtorit te ZAKB-se dhe pas nënshkrimit te kontratës se rregullt midis dy palëve. Këto veprimtari kryhen bazuar ne ligjin nr.9048, date 7.4.2003 "Për trashëgiminë kulturore".

Pika 18

Veprimtaritë e ndaluara ne territorin e Parkut Kombëtar te Butrintit

Ne territorin e parkut ndalohen:

Kryerja ose zhvillimi i aktiviteteve pa marrëveshje paraprake me drejtorin e ZAKB-se, si edhe ne kundërshtim me ligjin nr.9048, date 7.4.2003 "Për trashëgiminë kulturore" apo me kushtet e vena ne lejen e lëshuar për këtë qellim.

Gërmimi pa miratimin e Bordit te Butrintit dhe pa marrëveshje përkatëse me drejtorin e ZAKB-se.

Dëmtimi i objekteve arkeologjike ose monumenteve.

Mbledhja dhe transportimi i objekteve arkeologjike pa lejen e drejtorit te ZAKB-se.

Hyrja ne ambientet me objekte arkeologjike ose muze jashtë orarit te caktuar, pa leje te veçante nga drejtori i ZAKB-se.

Organizimi dhe ushtrimi i aktiviteteve ekonomike dhe sociale, ne kundërshtim me ligjin nr. 9048, date 7.4.2003 "Për trashëgiminë kulturore", pa lejen mjedisore te Ministrisë se Mjedisit dhe lejen e Bordit te Butrintit, si dhe ne rast te mospërmbushjes te kushteve shtese ndaj lejes.

Dëmtimi i vegjetacionit natyral ose artificial nëpërmjet lëvizjes se pajisjeve, zjarrit, nxjerrje gurësh dhe aktivitete te tjera.

Prerja ose dëmtimi i pemëve, ne kundërshtim me legjislacionin shqiptar ne fuqi.

Mbledhja, shqetësimi, shkatërrimi, dhe tregtimi i bimëve, kafshëve, jovertebroreve ose organizmave ujore ne kundërshtim me ligjin nr.8934, date 5.9.2002 "Për mbrojtjen e mjedisit", si edhe ligjin nr.8906, date 6.6.2002 "Për zonat e mbrojtura".

Ngacmimi dhe shkatërrimi i vezëve te zogjve, foleve ose zonave rreth foleve.

Peshkimi ne territorin e Parkut Kombëtar te Butrintit, ne kundërshtim me legjislacionin ne fuqi dhe me rregullat shtese, te miratuara për këtë qellim.

Ushtrimi i skive ne ujë ose skafeve te fuqishme ne territorin ujor te Parkut Kombëtar te Butrintit.

Hedhja e pajisjeve, plehrave, materialeve inerte dhe mbeturinave, me përjashtim te vendeve te përcaktuara për këtë qellim.

Transportimi, hedhja, groposja ose trajtimi i mbetjeve te rrezikshme ne territorin e Parkut Kombëtar te Butrintit, bazuar kjo ne nenin 22 te ligjit nr.8934, date 5.9.2002 "Për mbrojtjen e mjedisit" .

Ndotja e tokës ose e ujit brenda territorit nga aktivitete ekonomike ose te tjera, duke

përfshirë rrjedhje karburanti, vaji ose elemente të tjera nga mjetet lundruese.

Fotografimi ose filmimi për arsye komerciale, në kundërshtim me ligjin nr.9048, datë 7.4.2003 "Për trashëgiminë kulturore".

KAPITULLI VI

RUAJTJA DHE SIGURIMI I TERRITORIT TE PARKUT KOMBËTAR TE BUTRINTIT

Pika 19

Drejtori i ZAKB-se lidh marrëveshje me persona fizike ose juridike për të siguruar informacion për vizitorët, për të mbikëqyrur territorin dhe për të siguruar zbatimin e masave mbrojtëse, të përcaktuara në pikën 20 të kësaj rregulloreje.

Pika 20

Detyrat dhe përgjegjësitë e rojeve të Parkut Kombëtar të Butrintit

Sigurojnë zbatimin e rregullave në territorin e Parkut Kombëtar të Butrintit dhe mbrojtjen e aseteve natyrore dhe kulturore.

Kërkojnë ndihmën e Policisë së Shtetit, shërbimit zjarrfikës dhe shërbimeve të tjera të emergjencës në kryerjen e detyrave të tyre.

Japin informacion dhe ndihmojnë vizitorët gjatë vizitës në territor.

Mbledhin informacion për gjendjen e monumenteve kulturore, arkeologjike dhe natyrore të parkut dhe ia raportojnë autoriteteve të Parkut Kombëtar të Butrintit.

Patullojnë territorin për të zbuluar dhe për të neutralizuar çdo aktivitet që nuk është në përputhje me legjislacionin shqiptar në fuqi dhe rregulloret e miratuara për këtë qëllim, si edhe i raportojnë autoriteteve përkatëse kur çështja është jashtë kompetencës së tyre.

Vrojtjnë dhe i raportojnë drejtorin e ZAKB-se për aktivitetet ekonomike, social-kulturore dhe turistike që zhvillohen në territor.

Vrojtjnë dhe raportojnë drejtorin e ZAKB-se për çdo zhvillim brenda territorit.

KRYEMINISTRI

Fatos Nano